



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
ZASTUPNIČKI DOM

Komisija za vanjske poslove

Broj:01,2-011-1241-03/03

Sarajevo, 11.09.2003.godine

ZAPISNIK

Sa dvanaeste sjednice Komisije za vanjske poslove

Sjednica je održana 10.09.2003.godine sa početkom u 09:00 sati.

Sjednici su prisustvovali sljedeći njeni članovi: Martin Raguž, Milorad Živković, Seada Palavrić, Izet Hadžić, Sead Avdić, Nenad Mišić i Azra Hadžiahmetović.

Sjednici su prisustvovali i predstavnici Ministarstva komunikacije i transporta te Ministarstva vanjske trgovine i ekonomskih odnosa Vijeća ministara Bosne i Hercegovine.

Odsutni su bili: Vinko Zorić i Jelina Đurković.

Zapisnik je vodila Merdžana Iglica.

Predsjedatelj Komisije predložio je sljedeći

DNEVNI RED

1. Davanje mišljenja o suglasnosti za ratificiranje:

- a) Sporazuma između Bosne i Hercegovine i Vlade Republike Turske o suradnji i uzajamnoj pomoći u oblasti carina;
- b) Sporazuma između Vijeća ministara Bosne i Hercegovine i Savezne vlade Savezne Republike Jugoslavije o međunarodnom prijevozu putnika i roba u drumskom saobraćaju;
- c) Sporazuma između Bosne i Hercegovine i Savezne Republike Jugoslavije o socijalnom osiguranju;
- d) Sporazuma o zračnom saobraćaju između Vijeća ministara Bosne i Hercegovine i Savezne vlade Savezne Republike Jugoslavije;
- e) Sporazuma između Bosne i Hercegovine i Republike Mađarske o unapređenju i recipročnoj zaštiti investicija;
- f) Sporazuma između Bosne i Hercegovine i Narodne Republike Kine o unapređenju i zaštiti investicija;
- g) Memoranduma o razumijevanju između Vijeća ministara BiH i Vlade Republike Italije o suradnji malih i srednjih preduzeća;
- h) Sporazuma o razvojnom kreditu (Projekat razvoja i zaštite šuma) između BiH i Međunarodne asocijacije za razvoj (Kredit 3779 BOS);
- i) Sporazuma o razvojnom kreditu (Projekat tehničke pomoći za socijalno osiguranje) između BiH i Međunarodne asocijacije za razvoj (Kredit 3778 BOS);
- j) Sporazuma između Vijeća ministara Bosne i Hercegovine i Vlade Republike Makedonije o suradnji u oblasti kulture;
- k) Ugovora između Bosne i Hercegovine i Republike Turske o socijalnom osiguranju.

2. Razmatranje provođenja zaključaka iz sadržaja rada Radnog plana Komisije za vanjske poslove Zastupničkog doma u 2003.godini i dogovor članova Komisije oko predstojećih tematskih sjednica vezanih za ulogu nevladinog sektora u međunarodnim odnosima i vanjskoj politici, kao i za Izvještaj o diplomatsko-konzularnim predstavništvima Bosne i Hercegovine u inozemstvu;
3. Tekuća pitanja.

Ad.1. Komisija je razmatrala predloženi Dnevni red Komisije za vanjske poslove Zastupničkog doma Parlamentarne skupštine BiH i jednoglasno ga usvojila;

Ad.2. Komisija za vanjske poslove je dala svoje mišljenje da su ispunjeni uvjeti da Zastupnički dom Parlamentarne skupštine BiH na svojoj sjednici, 10.09. 2003. godine da suglasnost za ratificiranje dokumenata iz tačke 1.Dnevnog reda.

Komisija je također konstatirala da prijedlozi odluka o ratifikaciji međunarodnih sporazuma i ugovora prema Parlamentarnoj skupštini BiH kasne, te da Administrativnoj komisiji Vijeća ministara treba uputiti dopis u kojem se traži da se u dostavi dokumenata za suglasnost za ratificiranje bude ažurnije, kao i da se traže upute šta se sve od međunarodnih dokumenata može ratificirati u Parlamentu;

Ad.3. Razmatrajući provođenje zaključaka iz sadržaja rada Radnog plana Komisije za vanjske poslove Zastupničkog doma u 2003.godini, a u skladu sa Orijentacionim planom rada Zastupničkog doma Parlamentarne skupštine BiH za ovu godinu, Komisija se suglasila da se u periodu od 10. do 15.10.2003.godine održi tematska sjednica koja bi sadržavala četiri teme:

1. Izvještaj o diplomatsko-konzularnim predstavništvima Bosne i Hercegovine u inozemstvu-ažurirano aktualno stanje-materijal Ministarstva vanjskih poslova BiH;
2. Informacija o aktualnoj situaciji u izradi Studije izvodljivosti o uvjetima približavanja Bosne i Hercegovine Evropskoj uniji-materijal Vijeća ministara BiH;
3. Informacija o stanju akreditacije BiH za prijem u Partnerstvo za mir-materijal Predsjedništva BiH i Vijeća ministara BiH;
4. Izvještaj o rezultatima sa održanih sjednica Međudržavnog vijeća Bosne i Hercegovine i Republike Hrvatske, odnosno Srbije i Crne Gore-materijal Predsjedništva BiH.

Također je Komisija naglasila da je prioritet u vanjskopolitičkim aktivnostima Komisije u okviru aktivnosti na jačanju regionalne suradnje i jačanju dobrosusjedskih odnosa sa susjednim zemljama, naredna posjeta vanjskopolitičkom odboru Parlamenta Srbije i Crne Gore. U tom kontekstu, već su poduzete mjere na organiziranju tog susreta, a preko ambasadora Srbije i Crne Gore u Bosni i Hercegovini i direktno sa Odborom za vanjsku politiku Parlamenta Srbije i Crne Gore;

Ad.4. Komisija je zauzela stav da se posebna tematska sjednica o ulozi nevladinog sektora u vanjskoj politici Bosne i Hercegovine održi do kraja oktobra/listopada 2003.godine te da se od Direkcije za evropske integracije i Ureda PRSP-a u BiH zatraži lista nevladinih organizacija koje djeluju u BiH kako bi Komisija napravila selekciju za sjednicu i pripremila kvalitetno uvodno izlaganje o ovoj temi;

Komisija je također ponovila svoj zahtjev da se od MVP-a BiH zatraže izvještaji-protokoli sačinjeni prilikom posjeta vanjskopolitičkim odborima Republike Hrvatske i Slovenije od 26.-30.05.2003.godine.

Sjednica je završena u 10:00 sati.

Zapisnik sačinila:

Merdžana Iglica, sekretar Komisije